

Homber arma tin famia teroriza:

Unda ley contra arma di candela a keda?

Homber kier a kima cas di mama di su amiga

ORANJESTAD (AAN) Den Aliviostraat, den oranan di anochi, polis a ser notifica cu un persona lo a keda herida pa vlamnan cu a pasa door di bentana di un cas unda lo tin candela. A resulta cu ta un tipo rabia kier a cende e cas na candela, segun e informacionan. E denunciante a splica polis cu su mama a scucha batimento na porta y a bay

mira ta kende lo la bati porta na e oranan ey. Ora el a check via bentana el a haye cu un vlam den su direccion. E yiu muher denunciante a bisa polis cu algun dia caba, e tin problema cu su amigo di inicialnan C.F.P.D. y cu tin 34 aña di edad, cu bisa tambe cu e lo cende e cas na candela cu un bleki di Pif

Paf y un lighter y ta local aparentemente el a haci tambe. Recherche a wordo involvi pa cuminsa cu un investigacion. No a ser splica ki grado di quemadura y posiblemente esaki no tabata di tal grado cu asistencia di doctor tabata necesario ya cu nada di esaki no a ser revela.

ORANJESTAD (AAN) Riba 25 di December dia di Pasco, e homber C.F.P.D. a bay na cas di su ex amiga caminda cu el a dreña a la forza den cas di famia y saca arma di candela y punta esaki riba su ex amiga.

Loke a pasa riba dia di Pasco no tabata algo di prome biaha pasobra e dama cu a worde menaza pa basta tempo caba ta biba den angustia hunto cu su famia debi cu C.F.P.D. a yega di comete diferente acto di menaza contra e famia.

Den luna di augustus ultimo e mesun homber aki kier a kima cas di mama di su ex amiga y e mama a haya vlam di candela den su cara.

Na luna di September e homber a worde deteni cu balanan di arma di candela; auto cu balanan cayente y chofer a ser hiba pa Warda pa mas investigacion.

E dama cu constantemente ta worde menaza door di e persona en cuestion, a ser molestia na pia di trabao y na un dado momento e compania pa cual e dama ta traha, mester a manda un carta pa C.F.P.D. y den e carta nan ta prohibi e persona aki pa subi tereno di e compania.

Pregunta ta, cu si polis a haya e homber aki cu bala cayente den su auto, na varios ocasion el a bay na cas di su ex amiga pa menaza e amiga y famia cu morto y cu tambe el a haci un intento pa kima cas di su ex amiga y te awe Ministerio Publico no por a actua cu man duro contra e persona aki?

Te con leu cos mester bay for di man pa Ministerio Publico duna polis caminda pa cana pa tuma medidanan fuerte contra e homber C.F.P.D.?

Cu masha publicidad go-bierno y tambe autoridnan di Ministerio Publico durante di un conferencia di prensa a anuncia no mucho tempo pasa e ley nobo cu nan a bin cune pa actua cu man duro

contra tur hende cu nan haya cu arma di candela y tambe contra esnan cu ser haya cu municion.

Tur hende cu lo ser haya cu arma di candela tabata core e riesgo grandi di bay sera pa 4 o 5 aña, pero ta cuanto hende a ser sera den prison for di momento cu e ley a dreña na vigor?

Unda e principio di ley pa un ley pa tur a keda?

Ta tristo cu na Aruba leynan fuerte ta ser traha y autoridnan no ta actua contra hendenan cu ta cana menaza famianan completo y ta saca arma di candela riba hende inocente.

Ni cas di famia no ta sigur

mas pa esnan cu kier haci y deshaci cu arma di candela.

E auto cu C.F.P.D. tabata core aden riba dia di Pasco y cual auto el a uza pa huy despues cu el a menaza su ex amiga, a ser haya riba un parkinglot na hotel, pero C.F.P.D. mes lo a cambia di auto pa asina evita cu polis por a detene.

Aparentemente C.F.P.D. den transcurso di dia di Pasco te cu ayera tabata core rond cu un amigo y polis no a logra di

localiza e homber aki.

Tur persona cu señala e homber aki di cual ta ser bisa cu e ta canando rond cu un revolver cu balanan cayente, ta ser suplica pa tuma contacto cu polis y tambe duna informacion di tipo di auto cu e ta coriendo aden y tambe number di auto.

Autoridnan ta considera e persona en cuestion como Vuurwapen gevaarlijk y ta tene debito cuenta cu e forma con detencion di dje mester

tuma lugar.

Esnan cu ta coriendo rond cu e homber aki mester tene cuenta cu ora cu polis dal man riba dje, nan tambe por haya nan mes den problema pa cu complicidad.

Segun informacionnan cu DIARIO a haya ayera. C.D. tabata riba payroll di gobierno durante cu tabata tin e centro di detencion di ilegalnan na Dakota caminda e tabata traha, pero debi cu el a haya problema na pia di trabao el a ser geschorst.

Despues cu e tabata sinta na cas hayando pago parcial, el a ser poni den campaña electoral pa campaña fuertemente pa un ministro di e gobierno actual.

Algun luna pasa pa un o otro motibo gobierno lo a para su pago y esaki aparentemente tabata un di e motibonan pa cual C.D. lo a rabia formal y lo a cay bek den adiccion segun informacionnan haya.

Copia di noticianan cu a sali den pasado caba encuanto e persona C.F.P.D.

Bala haya mey-mey di pia y patras di asiento

ORANJESTAD (AAN): Tabata den oranan di anochi cu autoridat a haya sa cu patras di un di e negoshinan di Subway lo tabata tin un chofer sospechoso ta circula. Segun informe cu a worde suministra na Patruxa lo tin un chofer arma ta core rond y lo a muestra su arma di candela na varios persona. Esnan envolvi no a confia e asunto mirando lo cual a tuma lugar poco luna atras na altura di un nightclub a alerta autoridat.

Esnan cu tabata den e vecindario a nota presencia di Polis. E personan en cuestion a worde para pa e agentenan. Durante cu Polis ta atende e chofer aki bista di un di agentenan a cay riba un proyectiel cu ta mei mei di pia di e sospechoso. Mesora e chofer inicial C.F.P.D. di 34 aña a worde deteni. Su vehiculo a worde transporta pa Warda di Polios tambe pa mas investigacion.

Durante di listramiento den e auto a worde haya scondi bao di sienta na unda e sospechoso tabata sinti un cantidad di bala cayente caliber 25. Tanto e sospechoso y tambe e proyectilnan confisca a worde entrega na deapacho di Recherche pa mas investigacion.

JUMBO & SHRIMPS OF THE YEAR '98!!

